

## TERMA DAN SYARAT PERADUAN TEKABOLA BANK ISLAM 9

### Tempoh Peraduan

1. Bank Islam Malaysia Berhad (“**Bank Islam**”) menganjurkan **Peraduan TekaBola Bank Islam 9 (“Peraduan”)**. Peraduan ini akan berlangsung pada **26 Ogos 2025 hingga 31 Ogos 2025** untuk perlawanan Skuad Bola Sepak Kebangsaan, Harimau Malaya melawan Singapura yang akan berlangsung di Stadium Nasional Bukit Jalil pada **4 September 2025** dan Palestine yang akan berlangsung di Stadium Sultan Ibrahim, Iskandar Puteri, Johor pada **8 September 2025 (“Perlawanan”)**.
2. Bank Islam secara kolektif dirujuk sebagai (“**Pihak Penganjur**”).
3. Peraduan ini hanya akan disebarakan melalui:
  - Laman web rasmi, Facebook, Instagram dan TikTok Bank Islam Malaysia Berhad
  - Laman web rasmi, Facebook, Instagram, X (Twitter) dan TikTok Persatuan Bolasepak Malaysia (FAM)

### Kriteria Kelayakan

4. Peraduan ini hanya terbuka kepada warganegara Malaysia yang berumur 18 tahun ke atas dan merupakan pemegang Kad Debit-i Bank Islam atau Kad Kredit-i Bank Islam yang sedia ada dan baharu (selepas ini disebut sebagai “Pemegang Kad” atau “Peserta”):
5. Syarat-syarat untuk menyertai peraduan ini adalah seperti berikut:
  - Peserta harus mempunyai Kad Debit-i Bank Islam atau Kad Kredit-i Bank Islam (selepas ini disebut sebagai “Kad”) yang aktif (aktif bagi sebarang transaksi).
  - Peserta harus menghantar penyertaan yang lengkap dan tepat seperti jawapan dan maklumat peribadi (nama penuh, nombor telefon bimbit, nombor MyKad, alamat e-mel dan negeri).
  - Hanya penyertaan lengkap dan tepat yang dihantar melalui [Microsoft Forms](#) akan diterima.
6. Golongan individu berikut **tidak layak** untuk menyertai Peraduan ini:
  - a) Kakitangan Persatuan Bolasepak Malaysia (Tetap/Kontrak)
  - b) Kakitangan Bank Islam Malaysia Berhad (Tetap/Kontrak)

### Mekanisme Peraduan

|   |                                                                                                                                                                                                                                                                                   |
|---|-----------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1 | Peserta harus membaca Terma dan Syarat Peraduan ini dan melengkapkan borang penyertaan serta menghantar jawapan tepat beserta nama penuh, nombor telefon bimbit, nombor MyKad, alamat e-mel dan negeri melalui <a href="#">[Microsoft Forms]</a> .                                |
| 2 | Pihak Penganjur akan memilih 10 Finalis yang memenuhi syarat-syarat di perkara 5 di atas berdasarkan setiap penyertaan ke-10 (ke-10, ke-20, ke-30, ke-40, ke-50, ke-60, ke-70, ke-80, ke-90 dan ke-100) yang menjawab soalan dengan betul.                                        |
| 3 | 5 Finalis pertama (penyertaan ke-10, ke-20, ke-30, ke-40 dan ke-50) akan dipilih sebagai pemenang tiket perlawanan Malaysia vs Singapura manakala 5 finalis terakhir (ke-60, ke-70, ke-80, ke-90 dan ke-100) akan dipilih sebagai pemenang tiket perlawanan Malaysia vs Palestin. |
| 4 | Pihak Penganjur akan mengesahkan sama ada Finalis mempunyai Kad yang aktif atau tidak aktif (aktif bagi sebarang transaksi).                                                                                                                                                      |
| 5 | 10 pemenang akan dihubungi oleh Pihak Penganjur untuk pengesahan maklumat,                                                                                                                                                                                                        |
| 6 | Setelah pengesahan dibuat, Pihak Penganjur akan memaklumkan kepada para pemenang tempat dan waktu untuk pengambilan hadiah (tiket Perlawanan). Para pemenang harus mengambil tiket tersebut pada tarikh dan waktu yang akan dimaklumkan.                                          |

## Hadiah & Pemilihan Pemenang

- Jika terdapat kurang daripada 100 penyertaan, pemilihan finalis akan dilakukan berdasarkan setiap penyertaan ke-5 berserta jawapan yang tepat (ke-5, ke-10, ke-15, ke-20, ke-25, ke-30, ke-35, ke-40, ke-45 dan ke-50).
- Jika terdapat kurang daripada 50 penyertaan, pemilihan finalis akan dilakukan berdasarkan setiap penyertaan kedua berserta jawapan yang tepat (kedua, ke-4, ke-6, ke-8, ke-10, ke-12, ke-14 ke-16 ke-18 dan ke-20).
- Hadiah bagi Peraduan TekaBola ini merupakan **2 keping tiket** perlawanan Skuad Bola Sepak Kebangsaan yang akan berlangsung pada **4 September 2025 di Stadium Nasional Bukit Jalil, Kuala Lumpur**, dan **8 September 2025 di Stadium Sultan Ibrahim, Iskandar Puteri, Johor** bagi seorang pemenang.

10. Hanya 10 Peserta dengan penyertaan yang lengkap, tepat dan juga merupakan Pemegang Kad yang aktif (aktif bagi sebarang transaksi) akan dipilih sebagai pemenang.
11. Pemenang adalah bertanggungjawab sepenuhnya terhadap segala perbelanjaan yang timbul bagi menghadiri perlawanan tersebut.
12. Setiap Pemegang Kad hanya layak untuk memenangi satu (1) Hadiah sahaja untuk sepanjang Tempoh Peraduan.
13. Hadiah akan diberikan secara serahan tangan oleh kakitangan Pihak Penganjur di **Bahagian Pemasaran Perniagaan, Bank Islam Malaysia Berhad, Aras 23, Menara Bank Islam, 22, Jalan Perak, 50450 Kuala Lumpur, pada tarikh dan waktu yang akan dimaklumkan kepada para pemenang.** Para pemenang adalah bertanggungjawab sepenuhnya terhadap segala perbelanjaan yang timbul bagi pengambilan hadiah.
14. Pemenang akan dimaklumkan melalui panggilan telefon / WhatsApp / SMS / surat / e-mel / paparan atau siaran melalui laman web korporat, laman rasmi Facebook dan Instagram Bank Islam Malaysia Berhad.
15. Dengan menyertai Peraduan ini, peserta memberikan kebenaran kepada Pihak Penganjur untuk berkongsi maklumat peribadi seperti nama penuh dan nombor MyKad pengenalan dengan badan-badan sukan yang terlibat termasuk Persatuan Bolasepak Malaysia (FAM) untuk tujuan pengesahan kelayakan. Selain daripada itu, peserta dan pemenang juga harus memberi kebenaran bagi foto dan informasi mereka dipaparkan di dalam media massa, laman web korporat, laman rasmi Facebook, Instagram dan TikTok Bank Islam Malaysia Berhad.
16. Sebarang terma dan syarat yang tidak dipatuhi oleh pemenang boleh menyebabkan kemenangan terbatal daripada peraduan, dan Pemegang Kad yang lain akan dipilih sebagai pemenang.

### Syarat Am

1. Peserta dinasihati supaya membaca dan memahami terma-terma dan syarat-syarat di sini sebelum mengambil bahagian di dalam mana-mana peraduan kami.
2. Hanya satu penyertaan akan diterima daripada setiap peserta.

3. Untuk mengambil bahagian di dalam peraduan kami, Peserta mestilah termasuk didalam Kriteria Kelayakan dan memenuhi Mekanisma Peraduan. Melainkan dinyatakan sebaliknya oleh Pihak Penganjur, Peserta tidak perlu menandatangani atau melengkapkan apa-apa borang permohonan untuk mengambil bahagian di dalam peraduan tersebut.
4. Dengan mengambil bahagian di dalam Peraduan ini, Peserta:
  - a) akan membenarkan Pihak Penganjur untuk mendedahkan maklumat peribadinya kepada penyedia perkhidmatan Bank Islam setakat mana yang perlu untuk tujuan Peraduan ini;
  - b) akan bersetuju untuk Pihak Penganjur menerbitkan atau memaparkan nama-namanya atau gambar-gambar di dalam media pemasaran atau laman sesawang Bank Islam untuk tujuan Peraduan ini (mana-mana yang terpakai); dan
  - c) akan bersetuju dengan keputusan Pihak Penganjur terhadap semua perkara berkaitan dengan Peraduan ini, pemilihan pemenang-pemenang dan hadiah-hadiah adalah muktamad, konklusif, dan mengikat ke atas semua Peserta dan tiada surat menyurat selanjutnya dan/atau rayuan untuk mempertikaikan keputusan Pihak Penganjur akan dilayan
5. Pihak Penganjur dengan ini tidak bertanggungjawab bagi apa-apa tanggungjawab cukai yang mungkin timbul daripada hadiah-hadiah atau penggunaannya. Sekiranya terdapat apa-apa tanggungjawab pemfailan cukai atau bayaran cukai (sekiranya ada) kepada jabatan berkuasa yang berkenaan lanjutan daripada penerimaan hadiah-hadiah ianya tetap dibawah tanggungjawab pemenang-pemenang sepenuhnya. Adalah menjadi tanggungjawab pemenang untuk mendapatkan nasihat bebas mengenai tanggungjawab cukai yang mungkin timbul terhadap kepada kedudukan kewangan mereka.
6. Hadiah-hadiah dalam Peraduan ini tidak termasuk kos-kos lain seperti pengangkutan melainkan kos tiket Perlawanan (dua keping tiket untuk setiap pemenang) untuk Perlawanan Pasukan Malaysia dan Singapura yang akan berlangsung pada 4 September 2025 dan Palestine yang akan berlangsung pada 8 September 2025.
7. Hadiah ini tidak boleh ditebus atau ditukarkan dengan hadiah lain atau wang tunai. Pemenang-Pemenang hadiah mestilah menerima hadiah seperti sedia ada (“as it is”) dan mengakui bahawa Pihak Penganjur tidak akan bertanggungjawab ke atas nilai hadiah berikutan harga hadiah yang berbeza dipasaran ketika pemenang

menebus/memungut hadiah pada masa seperti yang ditetapkan oleh Pihak Penganjur.

8. Jika hadiah yang dimenangi tidak dapat diperolehi atas apa juga sebab, Pihak Penganjur berhak menggantikan hadiah lain yang sama nilai dengan hadiah yang dimenangi dengan memberikan notis kepada Peserta sekurang-kurangnya empat belas (14) hari. Kaedah pemberitahuan boleh dilakukan secara bertulis melalui cara elektronik, atau dipaparkan di cawangan-cawangan Bank Islam mahupun di laman sesawang Bank Islam.
9. Pemenang mungkin akan dijemput untuk menghadiri majlis penyampaian hadiah atau majlis seumpamanya (jika ada) di lokasi dan tarikh yang akan ditetapkan kemudian. Para pemenang adalah bertanggungjawab sepenuhnya terhadap segala perbelanjaan yang timbul bagi menghadiri majlis penyampaian hadiah tersebut.
10. Sebagai mematuhi Akta Perlindungan Data Peribadi 2010, Pihak Penganjur akan melindungi data peribadi Peserta. Dengan menyertai Peraduan ini, pemenang memberikan kebenaran dan bersetuju untuk menyiarkan atau memaparkan nama dan gambar pemenang di mana-mana media yang dipilih oleh Pihak Penganjur. Oleh yang demikian, Pihak Penganjur berhak untuk menyiar atau memaparkan nama dan gambar pemenang bagi tujuan promosi atau publisiti.
11. Pihak Penganjur dan sekutunya berserta pengarah-pengarah, pegawai-pegawai, pekerja-pekerja dan ejen-ejen yang terlibat tidak akan bertanggungjawab seperti berikut:
  - a) sebarang kesilapan dalam pentaksiran fakta, dan/atau sebarang kecederaan dan/atau kehilangan ke atas nyawa dan/atau kerugian harta benda berikutan hadiah yang dimenangi menerusi Peraduan ini; dan
  - b) sebarang kerugian atau kerosakan atau apa-apa kecederaan peribadi dan/atau apa-apa yang dialami oleh Peserta berhubung dengan penyertaan peserta dalam Peraduan atau penerimaan atau semasa menggunakan Hadiah atau apa-apa yang dialami semasa dalam perjalanan untuk menebus atau mengambil hadiah, kecuali apa-apa liabiliti yang tidak dikecualikan oleh undang-undang.
  - c) segala urusan di luar bidang dan kawalan Pihak Penganjur dalam pentadbiran dan pemprosesan Peraduan ini.
12. Tertakluk kepada pematuhan peraturan dan prinsip Syariah. Pihak Penganjur berhak untuk meminda, membatalkan, menamatkan atau menggantung Peraduan ini

dengan memberikan notis yang secukupnya dalam tempoh tidak kurang daripada empat belas (14) hari sebelum tarikh pindaan, pembatalan, penamatan atau penggantungan tersebut. Kaedah pemberitahuan boleh dilakukan secara bertulis melalui media elektronik, atau dipaparkan di cawangan-cawangan Bank Islam mahupun di laman sesawang Bank Islam. Untuk mengelakkan keraguan, sebarang pembatalan, penamatan atau penggantungan Peraduan oleh Pihak Penganjur, tidak membolehkan peserta-peserta yang menyertai Peraduan ini membuat sebarang tuntutan atau pampasan terhadap Pihak Penganjur bagi sebarang kerugian atau kerosakan atau apa juga yang ditanggung atau dialami oleh peserta-peserta sama ada secara langsung dan tidak langsung akibat daripada pembatalan, penamatan atau penggantungan tersebut.

13. Peserta adalah dinasihatkan untuk melayari laman sesawang Bank Islam dari semasa ke semasa untuk menyemak Terma-Terma dan Syarat-Syarat Peraduan untuk mengambil maklum atas sebarang perubahan atau pindaan kepada terma-terma dan syarat-syarat;
14. Terma-terma dan Syarat-syarat di dalam ini adalah tambahan dan tanpa prejudis kepada terma-terma dan syarat-syarat Produk / Kemudahan. Sekiranya ada di antara terma-terma dan syarat-syarat tersebut yang tidak konsisten, Terma-terma dan Syarat-syarat ini akan diguna pakai berhubung Peraduan ini.
15. Semua Terma-terma dan Syarat-syarat di dalam ini adalah tertakluk dan akan ditafsirkan mengikut undang-undang Malaysia dan Peserta bersetuju untuk terikat dengan bidang kuasa Mahkamah-Mahkamah Malaysia.

***Untuk maklumat lanjut, sila kunjungi cawangan Bank Islam atau hubungi Pusat Panggilan kami di 03 26 900 900 atau layari laman sesawang kami di <https://www.bankislam.com>.***